

নাগরিক-সেবার বিবরণ সম্বলিত প্রোফাইল ও প্রসেস ম্যাপ

(৫) সেবার নামঃ শিল্পে উৎপাদিত কোন দ্রব্যের নতুন ইন্ডাস্ট্রিয়াল ডিজাইন নিবন্ধন সনদ প্রদান।

সেবা প্রোফাইল			
সেবা প্রদানকারী অফিসের নাম	দায়িত্বপ্রাপ্ত কর্মকর্তা/কর্মচারী	সেবা প্রাপ্তির স্থান	প্রয়োজনীয় সময়
পেটেন্ট, ডিজাইন ও ট্রেডমার্কস অধিদপ্তর, শিল্প মন্ত্রণালয়, ঢাকা	রেজিস্ট্রার, ডেপুটি রেজিস্ট্রার (পেটেন্ট ও ডিজাইন), সহকারী রেজিস্ট্রার (ডিজাইন), পরীক্ষক (ডিজাইন), অফিস সহকারী, কম্পিউটার অপারেটর, ডাটা এন্ট্রি/ কন্ট্রোল অপারেটর(আইটি ইউনিট), রিসেপশন ডেস্ক।	পেটেন্ট, ডিজাইন ও ট্রেডমার্কস অধিদপ্তর, শিল্প মন্ত্রণালয়, ৯১, মতিঝিল, ঢাকা-১০০০।	সংবিধিবদ্ধ সাধারণ সময়সীমা ৬ মাস।
সেবা প্রদানের সংক্ষিপ্ত বিবরণ	<p>শিল্পে উৎপাদিত যে কোন পণ্য বা দ্রব্যের নতুন নতুন আকার, আকৃতি বা পণ্যের গায়ে আরোপিত কোন অলংকারিক প্যাটার্ন বা নকশা উদ্ভাবনের জন্য নবায়ন সাপেক্ষে সর্বমোট ১৫ বছরের জন্য ইন্ডাস্ট্রিয়াল ডিজাইন Patents & Designs Act. ১৯১১ অনুযায়ী নিবন্ধন প্রদান করা হয়। ইন্ডাস্ট্রিয়াল ডিজাইন প্রথম পর্যায়ে ৫ বৎসরের জন্য নিবন্ধন প্রদান করা হয়। এই মেয়াদ Patents & Designs Act. ১৯১১ এর ধারা ৪৭(২) এবং ৪৭(৩) অনুযায়ী পরপর ২ বার নবায়ন করা যায়।</p> <p>ইন্ডাস্ট্রিয়াল ডিজাইন নিবন্ধনের ফলে এর স্বত্বাধিকারী উক্ত ডিজাইনের পণ্য উৎপাদন, বিক্রয় ও বাজারজাত করণের জন্য নির্ধারিত সময়ের জন্য একচেটিয়া অধিকার লাভ করে। উক্ত নির্ধারিত সময়ের মধ্যে ইন্ডাস্ট্রিয়াল ডিজাইনের স্বত্বাধিকারীর অনুমোদন ব্যতিরেকে অন্যকে ডিজাইনটি বাণিজ্যিক ভাবে ব্যবহার থেকে বিরত রাখে।</p> <p>বাংলাদেশ বা বিশ্বের যে কোন দেশের নাগরিক বা সংস্থা বা বানিজ্যিক প্রতিষ্ঠান বা তাদের বৈধ কোন প্রতিনিধি নির্ধারিত ফিস দাখিল সাপেক্ষে ইন্ডাস্ট্রিয়াল ডিজাইন নিবন্ধনের জন্য রেজিস্ট্রার, পেটেন্ট, ডিজাইন ও ট্রেডমার্কস অধিদপ্তর, বরাবর Patents & Designs Act. ১৯১১ এর ধারা ৪৩(১) এবং Patents & Designs Rules ১৯৩৩ এর বিধি ৩৪ ও ৩৫ অনুযায়ী আবেদন করতে পারেন। তিন ধরনের ইন্ডাস্ট্রিয়াল ডিজাইনের জন্য আবেদন করা যায়। যথা-</p> <p>(ক) সাধারণ ইন্ডাস্ট্রিয়াল ডিজাইন:- সাধারণ ইন্ডাস্ট্রিয়াল ডিজাইন নিবন্ধনের জন্য ফরম-১৫ ব্যবহার পূর্বক ডিজাইনের ফটোপ্রতিরূপ সহ চার কপি নতুনত্বের বর্ণনা সহ দাখিল করতে হয়।</p> <p>(খ) সেট সম্পন্ন দ্রব্যের ইন্ডাস্ট্রিয়াল ডিজাইন:- একই ইন্ডাস্ট্রিয়াল ডিজাইন সেট সম্পন্ন দ্রব্যে আরোপিত ডিজাইন নিবন্ধনের জন্য ফরম-১৭ ব্যবহার পূর্বক ডিজাইনের ফটোপ্রতিরূপ সহ চার কপি নতুনত্বের বর্ণনা সহ দাখিল করতে হয়।</p> <p>(গ) অগ্রাধিকার দাবীযুক্ত ডিজাইন:- Patents & Designs Act. ১৯১১ এর ধারা ৭৮ A অথবা Paris Convention অনুযায়ী Paris Union ভুক্ত যে কোন দেশের নাগরিক বা সংস্থা বা বানিজ্যিক প্রতিষ্ঠান বা তাদের বৈধ কোন প্রতিনিধি Paris Union ভুক্ত যে দেশে প্রথম আবেদন করা হয়েছিল সেই আবেদনের সত্যায়িত কপি সহ নির্ধারিত সময়ের মধ্যে ফরম-১৬ ব্যবহার পূর্বক ডিজাইনের ফটোপ্রতিরূপ সহ চার কপি নতুনত্বের বর্ণনা সহ দাখিল করতে হয়।</p> <p>যে কোন নতুন উদ্ভাবনের জন্য দেশী-বিদেশী ডিজাইন দরখাস্ত নির্ধারিত Form ও ফি প্রদান পূর্বক যথানিয়মে অত্রাফিসে দাখিল করার পর আবেদনকারীকে ডিজাইন দরখাস্ত নম্বরসহ মানিরিসিট ও প্রাপ্তি স্বীকারপত্র (Receipt) প্রদান করা হয়। তারপর উক্ত ডিজাইন দরখাস্তটির বিভিন্ন কাগজপত্র ও তথ্য Data Entry/Control Operator কর্তৃক ডাটা ক্যাপচারিং এর মাধ্যমে সার্ভারে তথ্য জমা করা হয়। ডাটা ক্যাপচারিং শেষে আবেদনটি ডিজাইন ফরমালিটিজ শাখায় উচ্চমান সহকারী কর্তৃক ফরমালিটিজ চেক সম্পন্নকরতঃ প্রতিবেদনসহ পরীক্ষকের নিকট উপস্থাপন করা হয়। পরীক্ষক কারীগরি পরীক্ষা শেষে পরীক্ষা প্রতিবেদন অনুমোদনের জন্য সহকারী রেজিস্ট্রারের নিকট উপস্থাপন করেন। সহকারী রেজিস্ট্রার পরীক্ষার প্রতিবেদনটি যাচাই পূর্বক ডেপুটি রেজিস্ট্রারের অনুমোদনের জন্য উপস্থাপন করেন। ডেপুটি রেজিস্ট্রারের অনুমোদন শেষে আবেদনকারীর নিকট অত্রাফিসের আর কোন কাগজ পত্রের চাহিদা নাথাকলে রেজিস্ট্রেশন সনদের জন্য পদক্ষেপ গ্রহণ করা হয়। যদি অফিস কর্তৃক কোন কাগজ পত্রের চাহিদা থাকে তবে তা ডেসপাস শাখার মাধ্যমে আবেদনকারীর নিকট প্রেরণ করা হয়। আবেদনকারী কর্তৃক চাহিদা সমূহ পূরণ করে অত্রাফিসে প্রয়োজনীয় সকল কাগজ পত্র দাখিল করলে তা পুনঃপরীক্ষান্তে আর কোন আপত্তি নাথাকলে ডিজাইন সনদ প্রদানের ব্যবস্থা নেয়া হয়। অগ্যদিকে অফিস কর্তৃক চাহিদারত প্রয়োজনীয় কাগজ পত্রের ঘাটতি থাকলে বা সঠিক ব্যাখ্যা পাওয়া নাগেলে শুনানীর ব্যবস্থা গ্রহণ করা হয়। শুনানী সন্তোষজনক হলে রেজিস্ট্রেশনের ব্যবস্থা গ্রহণ করা হয়। সন্তোষজনক না হলে আবেদনটি প্রত্যাখাত বলে ঘোষণা করা হয়।</p>		

সেবা প্রাপ্তির শর্তাবলি		প্রয়োজনীয় তথ্যাদি সহ নির্ধারিত সময়ের মধ্যে যাবতীয় কাগজপত্র দাখিল।
প্রয়োজনীয় কাগজপত্র		<ol style="list-style-type: none"> (১) ইন্ডাস্ট্রিয়াল ডিজাইন নিবন্ধনের আবেদন সংক্রান্ত Forwarding Letter. (২) যথাযথ ভাবে পূরনকৃত নির্ধারিত আবেদন ফরম। (৩) ইন্ডাস্ট্রিয়াল ডিজাইনের ফটোপ্রতিরূপসহ চার কপি নতুনত্বের বর্ণনা। (৪) অগ্রাধিকার দাবিযুক্ত (Priority Application) আবেদনের ক্ষেত্রে যে দেশে প্রথম আবেদন করা হয়েছিল সে দেশের সংশ্লিষ্ট অফিসের সত্যায়িত আবেদনের কপি। (৫) নির্ধারিত ফিস পরিশোধ সংক্রান্ত ব্যাংক ড্রাফট/ পে-অর্ডারের কপি। (৬) আবেদনকারী প্রতিনিধির মাধ্যমে আবেদন করলে প্রতিনিধির অনুকূলে প্রদেয় Power of Attorney এর কপি।
প্রয়োজনীয় ফি/ট্যাক্স/আনুষঙ্গিক খরচ		<ol style="list-style-type: none"> (১) সাধারণ ডিজাইনের নিবন্ধন আবেদনের ক্ষেত্রে ফিস ২৫০০/- টাকা (২) সেট সম্পন্ন দ্রব্যের ডিজাইন নিবন্ধন আবেদনের ক্ষেত্রে ফিস ৫০০০/- টাকা (৩) অগ্রাধিকার দাবিযুক্ত ডিজাইন নিবন্ধন আবেদনের ক্ষেত্রে ফিস ১০,০০০/- টাকা
সংশ্লিষ্ট আইননীতিমালা/বিধি/		<ol style="list-style-type: none"> (১) Patents & Designs Act. 1911 (২) Patents & Designs Rules 1933
নির্দিষ্ট সেবা পেতে ব্যর্থ হলে পরবর্তী প্রতিকারকারী কর্মকর্তা		ডিজাইন নিবন্ধনের বিষয়ে রেজিস্ট্রার, পেটেন্ট, ডিজাইন ও ট্রেডমার্কস অধিদপ্তর, এর সিদ্ধান্তে সন্তুষ্ট না হলে সরকারের (সচিব, শিল্প মন্ত্রণালয়) নিকট আপিল করার বিধান আছে।
সেবা প্রদান/ প্রাপ্তির ক্ষেত্রে অসুবিধাসমূহ	ক) নাগরিক পর্যায়	সংশ্লিষ্ট বিষয়ে আবেদনকারীর সুস্পষ্ট ধারণা না থাকা।
	খ) সরকারি পর্যায়	প্রয়োজনীয় দক্ষ জনবল ও Equipment এর স্বল্পতা
বিবিধ/অন্যান্যঃ		

৩.১.২ প্রসেস ম্যাপ

শিল্পে উৎপাদিত কোন দ্রব্যের নতুন ইন্ডাস্ট্রিয়াল ডিজাইন নিবন্ধন সনদ প্রদান সংক্রান্ত কার্যক্রমের ফ্লো চার্ট

